

# CODICIS REGULARUM PARS PRIMA,

## SS. PATRUM ORIENTALIUM REGULÆ AD MONACHOS.

### S. ANTONII ABBATIS

#### REGULA AD MONACHOS.

##### DE S. ANTONIO ABBATE VETERUM QUÆDAM TESTIMONIA.

*Martyrol. Rom. ad diem 17 Januarii.*

In Thebaide, sancti Antonii abbatis, qui multorum monachorum pater, vita et miraculis præclarissimus vixit : cuius gesta sanctus Athanasius insigni volumine prosecutus est.

*S. Hieronymus, de illustr. Script., cap. 88.*

Antonius monachus, cuius Vitam Athanasius Alexandrinæ urbis episcopus insigni volumine prosecutus est, misit Ægyptiace ad diversa monasteria apostolici sensus sermonisque epistolæ septem quæ in Græcam linguam translatæ sunt; quarum præcipua est ad Arsenoitas. Floruit Constantino et filiis ejus regnantibus. Vixit annos 105.

*S. Athanasius in Vita S. Antonii, cap. 15, interprete Evagrio.*

Quadam die cum sanctus Antonius a congregatis fratribus rogaretur, ut eis institutoria largiretur præcepta, cum propheta fiducia exaltans vocem aiebat: Ad omnem quidem mandatorum disciplinam Scripturas posse sufficere, etc.

##### OBSERVATIO CRITICA IN REGULAM SEQUENTEM.

Ex adductis sanctorum Patrum testimoniosis constat, sanctum Antonium non scripsisse Regulam monasticas proprie sic dictam; neque, teste Calmeto, monachi Orientales sub sancti Antonii nomine militantes Deo, vel canonici sancti Antonii in Gallia et Italia adhuc florentes, observant hanc Regulam. Primi enim sequuntur præcipue Regulam sancti Basilii, quæ in ejus asceticis comprehenditur; secundi tamenquam canonici Occidentales tenent Regulam sancti Augustini. Existimamus ergo hanc Regulam sancto Antonio recentiorem; et forsitan ex septem epistolis ad diversa monasteria Ægyptiaca scriptis desumpta est, quæ tamen haud sancto Antonio indigna videtur, cum stylo sententious, conciso et nervoso scripta sit; sed eremitis potius quam cœnobitis consona. Hoc etiam nostram conjecturam magis auget, quod in hujus Regulæ primo exemplari solummodo articuli 35 inventi fuerint, in alio autem 13, ita ut tota Regula constet 48 articulis, quorum nonnullos, præsertim tredecim ultimos, ex Isaiae abbatis Regula desumptos animadvertisimus, prout suo loco dicemus. De reliquo, auctor hujus Regulæ dicitur fuisse celebris ille sanctus Antonius primus eremita, qui anno 270 in solitudinem secessit, et anno 356 piissimam animam Deo reddidit.

### REGULÆ AC PRÆCEPTA

S. P. N. ANTONII AD FILIOS SUOS MONACHOS,

Petentes hoc ipsum ab eo in monasterio Nacalon,  
IN PACE DOMINI.

Dicam Canones sive Regulas, prout loquetur Dominus per os meum, illis qui sese tradere volunt sub gravi hoc jugo, scilicet monachatu. Oportet ergo ut audiant hæc præcepta: qui solverit aliquid ex eis, vilius vocabitur in regno cælorum (*Matth. v, 19*).

I. Ante omnia ora sine intermissione, et gratias Deo age pro omnibus quæ tibi eveniunt.

II. Cum autem surrexeris mane singulis diebus,

A inquire de ægrotis qui apud te sunt, et jejuna usque ad nonam singulis diebus, excepto sabbato et Dominico die; adveniente vero nona ne adeas cellam cujusquam fratrum. Et cum sederis ad comedendum, ora prius, tum comedere. Ora et lege perpetuo.

III. Ne loquaris cum juvete, neque cum puer, et ne converseris omnino cum illo; nec ligabis illum monachum, nec assunes in filium, ante-

quam induat habitum, ne reconciliet hostem dialolum; neque cubes super eadem storea cum minore te.

IV. Serva etiam horas orationum, nec pretermittas ullam earum, ne rationem pro illa reddas.

V. Ne obstringas ægrotum ad manducandum, nec retrahas ab illo cibum, ne conturbes animam illius afflictam.

VI. Si venerit ad te aliquis frater post temporis intervallum, lætare de illo: gratias enim aget Deo et tibi. Seculari nullo modo commiscearis; nec ostentes te ipsum, sicut Pharisæus ille qui ad ostentationem omnia sua agebat.

VII. Nec appropriare sinas ad te mulierem, nec permittas ingredi domicilium tuum; ira enim gravidatur post illam. Neque revertaris invisere consanguineos tuos carnales, nec faciem tuam illis videntem præbeas, nec aideas illos.

VIII. Ne reserves tibi plus quam indiges; nec elargiaris plus quam potes, sed eroga eleemosynam infirmis monasterii.

IX. Persolve orationem tuam noctu priusquam a leæ ecclesiam.

X. Ne comedas cum aliquo qui impendat pro te.

XI. Si scandalum ortum fuerit de juvene aliquo, qui hactenus habitum non induerit, ne induat illum; et ejice cum a monasterio; nec loquaris cum pueru penitus, ne fiat tibi offendiculum.

XII. Si coegerit te necessitas adire civitatem, ne contendas illuc solus.

XIII. Ne seras terram tributis subjectam, nec so- ciatem et contractum ineas cum magnatibus.

XIV. Ne communoreris in loco ubi vinum exprimitur, nec comedas carnem omnino.

XV. Ne frangas jejunium feria quarta et sexta, nisi ob gravem morbum.

XVI. Ne murmures in opere manuum tuarum: nec improperes alicui ulla de causa.

XVII. Si adieris aliquem fratrem, ne diu moreris in domicilio ejus.

XVIII. Ne loquaris in ecclesia; nec resideas in exedris monasterii.

XIX. Non jurato penitus vel veritatem vel dubium.

XX. Ne petas ecclesiam ad quam congregantur homines. Eroga eleemosynam quantum potes. Ne D sepielas mortuum in ecclesia.

XXI. Ne facias convivia; nec ad symposium votatus accedas.

XXII. Addisce quotidie disciplinam a senioribus; nec ullam aggrediaris opus, nisi consulto Patre monasterii.

XXIII. Cum abis ad hauriendam aquam, interim dum iter confolis, lege quantum potes.

XXIV. Si erogaveris eleemosynam, ne ostentes illam. Si adfueris aliquo in loco, ubi erogatur eleemosyna, comede et gratias age Deo.

XXV. Contristare noctu diuque pro peccato tuo. Esto devinctus in cuculla tua, et in tunica tua noctu

A atque die. Accende lampadem tuam oleo oculorum tuorum, nempe lacrymis. Si pietatis actus edideris, ne glorieris. Ne dimittas quemquam, qui querit Christum. Ne propales cogitationes tuas cunctis hominibus, sed solum iis qui possunt salvare animam tuam.

XXVI. Si abieris ad messem, ne moreris, sed cito revertere ad monasterium.

XXVII. Ne induas vestimenta, quibus extellaris. Ne ostentes vocem tuam, nisi in oratione praeculta. Ora in domo tua, antequam venias ad ecclesiam.

XXVIII. Mortifica temetipsum quotidie.

XXIX. Ne improperes cuiquam causa dolorum et afflictionum quas patitur.

B XXX. Ne glorieris, neque rideas omnino. Da operam ut lugeas ob peccatum tuum, sicut luget is penes quem aliquis mortuus est. Fac quantum potes ut gloriificetur Pater tuus qui est in celis.

XXXI. Corrige filium tuum, nec parcas: damnatio enim illius a te exigetur.

XXXII. Ne comedas ad satietatem; ne dormias, nisi parum et moderate, et venient ad te angelii.

XXXIII. Cum oraveris et memor fueris Dei, fac tibi indumenta tua sint alæ, et evolabis super mare igneum.

XXXIV. Visita ægrotos et infirmos, et imple mensuras seu vasa eorum aqua.

XXXV. Ne pugnes lingua. Ita te præsta, ut benedicant te omnes. Et Dominus Jesus Christus opem nobis afferat ad operandum secundum ipsius beneplacitum: cui gloria cum Patre suo, et Spiritu suo sancto in seculum. Amen.

*Quæ sequuntur, habentur in alio exemplari.*

XXXVI. Coge te ipsum in opere manuum tuarum, et timor Domini inhabitabit in te.

XXXVII. Si conspexeris fratrem aliquem perpetrantem peccatum non ad mortem, ne contempnas et despicias, neque condemnas illum: incides quippe in manum inimicorum tuorum.

XXXVIII. Cave tibi, ne seducatur intellectus tuus, memorando peccata tua priora, ne renoventur in te.

XXXIX. Dilige humilitatem, quæ proteget te a peccato. Ne sis pertinax ad statuendum verbum tuum, ne occupet te malum. Ne reputes sapienter, et gloriaberis, et incides manum inimicorum tuorum. Assuescat lingua tua dicere: Ignosce mihi; et consequeris humilitatem.

XL. Cum sederis in cella tua, sollicitus esto de tribus hisce rebus perpetuo: nimirum, de opere manuum tuarum, de meditatione tuorum psalmorum, et de oratione tua.

XLI. Cogita apud te ipsum et dicio: Utique non inanebo in hoc mundo nisi præsenti hac die; et non peccabis Deo.

**XLII.** Ne sis helluo ciborum, ne resuscitentur in te priora peccata.

**XLIII.** Ne tædeat te laboris, et superveniet tibi cito requies. Sicut parietinæ ruinarum extra civitatem flunt locus fotoris omnibus, ita anima pigri, qui coepit monachatum, flet mansio passionibus et fotoribus.

**XLIV.** Coge te ipsum, ut ores perpetua cum lacrymis, ut forte misereatur tui Deus, et exuat te veteri homine.

**XLV.** Persevera in hisce rebus quas dicam : scilicet, in labore, paupertate, peregrinatione, afflictionibus et quiete, et afferent tibi humilitatem ; humilitas vero dimittet omnia peccata. Humilitas autem est, ut homo reputet seipsum peccatorem, et quod nihil boni perpetret coram Deo ; et adhæreat quieti, et non astinet seipsum quidquam ; et non sit pertinax ad statuendum verbum suum : ut abscondat concupiscentiam suam, et demittat vultum, penante sibi mortem ante oculos, et servet semetipsum a mendacio, et non loquatur verba otiosa ; nec respondeat superiori ; et opprobrium sustineat, et odio habeat desidiam, et instet laboribus et mero-ribus.

**XLVI.** Curate igitur, fratres mei, hæc servare præcepta, ne vita vestra sit sine fructu. Et sollicitus esto semper ad singula verba, quæ audis, ut dicas : Ignoisce mibi : quia humilitas fugat omnia negotia iniici. Ne reputes te ipsum quidquam propter opera tua.

**XLVII.** Sit tristis vultus tuus, nisi advenerint tibi exteri fratres; tunc gaude cum illis, ut inhabet in te timor Domini. Si iter feveris cum fratribus, secede ab illis parumper, ut sis in silentio, et dum incedis per viam, ne te convertas sinistrorum et dextrorum; sed meditare psalmos tuos, et ora in mente tua ad Deum, quoque in loco ingrederis ; nec perfidenter agas cum incolis illius.

**XLVIII.** In omnibus rebus tuis esto modestus, et ad ea quæ opponentur tibi, extende manum tuam leute. Si vero fueris juvenis, ne extendas manus tuas primus ad cibos; nec ingeras quidquam ciborum in os alterius. Et si cubaveris in aliquo loco, ne tegas te uno eodemque stragulo simul cum alio : et ora multum, antequam cubes. Et Dominus noster Jesus Christus opem nobis præstet ad operandum secundum ipsius beneplacitum. Amen.

*Explicit Regula sancti Antonii abbatis.*

## ISAIAE ABBATIS REGULA AD MONACHOS.

### DE ISAIA VETERUM TESTIMONIA.

*Rufinus in Vitis Patrum, lib. I, cap. 10; et Palladius, lib. VIII, cap. 55 :*

Abbas Syrus aliquando, et Isaías, et Paulus occurrerunt sibi invicem ad ripam fluminis; erant autem viri isti justi, summæ abstinentiae et totius religionis. Hi pergebant visitare quemdam nomine Anoph., etc.

*Ibidem, lib. V, de Verbis seniorum.*

Interrogavit eumdem sermonem abbas Isaías : Dicit abbas Pastor : Sicut capa plena vestibus, etc.

*R. Bellarmine S. R. E. card. de Script. eccl.*

Isaías abbas, qui quo tempore vixerit. inventare non potui, scripsit homilias 28 valde utiles, præsertim monachis ad perfectionem tendentibus.

### OBSERVATIO CRITICA IN REGULAM SEQUENTEM.

Hæc Regula edita est sub nomine Isaiae abbatis, continetque sexaginta octo parva capita, quæ potius dicenda sunt tot axiomata sive præcepta moralia eremiti congrua, atque coenobiti, qui æquo et pari jure vivere debent, accommodata. De hac Regula pari modo discordendum est, ac de sancti Antonii Regula, ut ibidem dictum est. Nam desumpta esse videtur ex Sermonibus ad monachos ab Isaia abbate habitis, qui religiosis ad virtutis apicem aspirantibus valde utiles, effatis et præceptis moralibus ubique repleti sunt, et quidem iisdem quæ in hac Regula continentur. Erat autem Isaías abbas coetaneus sancto Antonio, abbati Pastori, et abbati Ammoni, et abbati Anopho; et quamvis ejus annus obitualis ignoretur, tamen Christi fidem inter cruciatum gloriose confessus est. Plurima hujus sanctissimi abbatis axiomata moralia in Vitis Patrum reperiuntur, atque viginti octo ejusdem sermones supradicti editi sunt in tertio tomo Bibliothecæ Patrum Margarini de La Bigne, pag. 885.

### PRÆCEPTA SEU CONSILIA ABBATIS ISAIAE POSITA TIRONIBUS IN MONACHATU.

*Ejus orationes nos custodiant, Amen.*

Frater dilectissime, si jam reliquisti mundum C age de peccatis tuis, et serva propositum quod am-  
hunc vanum, et Deo te ipsum dedisti, pœnitentiam plexus es; et ne auscultes cogitationibus tuis, cum